

CENTRALNA BANKA
BOSNE I HERCEGOVINE
Broj: 150-15-4-120-7 /19 TT
Sarajevo, 09.02. 2019. godine

Na osnovu člana 69. stav (2) tačka d) i e) i člana 70. stav (1) i (4) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 43. stav (1) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, guverner Centralne banke Bosne i Hercegovine, donosi

O D L U K U

o poništenju postupka javne nabavke usluga – održavanje sistema grijanja u objektu Centralne banke Bosne i Hercegovine – Glavna jedinica Sarajevo – LOT 3

Član 1.

Ovom odlukom poništava se otvoreni postupak za nabavku usluga - održavanje sistema grijanja u objektu Centralne banke Bosne i Hercegovine – Glavna jedinica Sarajevo – LOT 3, procijenjene vrijednosti u iznosu od: 7.900,00 KM.

Član 2.

Za realizaciju ove odluke zadužuju se Centralna banka Bosne i Hercegovine – Glavna jedinica Sarajevo, Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

Član 3.

Ova odluka će se objaviti na web stranici Centralne banke www.cbbh.ba, istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke usluga održavanja sistema grijanja i hlađenja, za potrebe Centralne banke Bosne i Hercegovine, putem otvorenog postupka, pokrenut je Odlukom o pokretanju postupka, broj: 150-15-4-2708-2/18 TT od 1. novembra 2018.godine.

U skladu s tim, Centralna banka je 14. decembra 2018. godine na portalu Javnih nabavki objavila Obavještenje o nabavci broj: 1370-1-2-714-3-219/18.

U tenderskoj dokumentaciji određeni rok za prijem ponuda bio je 31. decembar 2018. godine. Za LOT 3 - održavanje sistema grijanja u objektu Centralne banke Bosne i Hercegovine – Glavna jedinica Sarajevo, u roku određenom za prijem ponuda, odnosno do 31. decembra 2018. godine, pristigle su ponude sljedećih dobavljača: CLIMA TRADE d.o.o. Sarajevo, Džemala Bijedića 305, 71210 Ilidža i GRIZELJ – GROUP d.o.o., Nikole Šopa 44, 71210 Ilidža.


Komisija nadležna za provođenje postupka javne nabavke (u daljem tekstu: Komisija) je nakon izvršenog pregleda i ocjene ponude konstatovala sljedeće:


- ponuda ponuđača CLIMA TRADE d.o.o. Sarajevo sa cijenom ponude u iznosu od 32.072,00 KM je znatno veća od osiguranih sredstava za predmetnu nabavku, te je Komisija na osnovu člana 69. stav (2) tačka e) Zakona o javnim nabavkama („Službeni glasnik BiH“, broj 39/14) dala preporuku za poništenje postupka.
- ponuda Dobavljača GRIZELJ – GROUP d.o.o. ne zadovoljava uslove tražene tenderskom dokumentacijom iz razloga što ponuđač nije dostavio spisak izvršenih ugovora, traženih tenderskom dokumentacijom kao dokaz za tehničku i profesionalnu sposobnost ponuđača. Također, ponuđač nije dostavio potpisan Aneks 10. Tenderske dokumentacije.

Komisija je shodno tome, u svom Zapisniku o pregledu i ocjeni ponuda broj: 149-15-4-517-1/19 od 24. januara 2019. godine i Izvještaju o radu Komisije sa Preporukom broj: 149-15-4-517-2/19 od 24. januara 2019. godine, dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

GUVERNER

dr Senad Softić



Dostaviti:

- guverneru
- viceguvernerima
- uredu glavnog internog revizora
- sekretaru Uprave i Upravnog vijeća
- predsjedniku i članovima komisije
- Glavnoj jedinici Sarajevo
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju za ljudske resurse
- u spis predmeta (original)